

Kanton Sarajevo
Skupština Kantona Sarajevo
Zastupnica SDA u Skupštini Kantona Sarajevo
Admela Hodžić

Sarajevo, 25.09.2019. godine

Kanton Sarajevo
Ministarstvo saobraćaja Kantona Sarajevo

Ministarstvo za obrazovanje, nauku i mlade Kantona Sarajevo

ZASTUPNIČKA INICIJATIVA

Podnosim inicijativu Ministarstvu saobraćaja Kantona Sarajevo i Ministarstvu za obrazovanje, nauku i mlade Kantona Sarajevo da sedam dana prije početka svake naredne školske godine obezbijede uslove za izdavanje potvrda za prijevoz učenika i izdavanje učeničkih iskaznica i kupona.

OBRAZLOŽENJE

Sramno i nehumano je pored svih troškova koje roditelji imaju prije početka svake školske godine u prvoj sedmici djeci naplaćivati karte u javnom prijevozu. Poznato je da za jedan dan sva djeca ne mogu obezbijediti iskaznice i kupone te da je za to potrebno nekoliko dana.

Također je svima poznato da djeca ostvaruju pravo na besplatne kupone za prijevoz ali su vozači javnog prijevoza u KS i pored toga učenicima naplaćivali karte. Dijete koje koristi tri prijevoza u toku jednog dana mora platiti oko 10 KM, i tako prvih pet dana nove školske godine.

Za roditelje koji imaju dva srednjoškolca i koriste po tri prijevoza dnevno u jednom prevcu to je zaista previše.

Morate znati da se u pojedinim srednjim školama potvrda za regulisanje prijevoza nije mogla dobiti prije četvrtka 05.09.2019. godine, te tako, ne svojom krivicom, djeca su bila prinuđena plaćati karte zbog nečije nebrige.

Djeci su karte podjednako naplaćivali djelatnici javnog prijevoza Centotransa i GRAS-a.

Roditelji se naravno s pravom bune jer ako se zna da djeca imaju pravo na besplatan prijevoz i treba im nekoliko dana da sve regulišu, dok za to vrijeme vozači naplaćuju karte, potpuno opravdano zahtijevaju da se obezbijede uslovi i da se potvrde, iskaznice i kuponi za učenike pripreme sedmicu dana prije početka svake školske godine i to objavi u medijima.

Molim nadležna ministarstva da pristupe rješavanju ovog problema kako roditelji i djeca ne bi bili izloženi bespotrebnim dodatnim troškovima kojih i onako imaju previše prije početka svake školske godine.

Admela Hodžić
